

四庫全書

子部

欽定四庫全書

子部
博濟方卷四

詳校官太醫院恩糧臣孔毓秀

編修臣倉聖脈覆勘

謄錄監生臣范重燾

欽定四庫全書

博濟方卷四

宋 王衮 編

胎產

大凡婦人懷孕當入月即當豫備所須及合用湯藥仍知逐月吉凶方面免臨事匆遽以至不周如產婦但腹痛而未腰疼者即未產候也凡生產有坐產卧產各須平正其身不得稍有偃曲即令兒生失道如未是其時切不可上草太早及強嘔氣用力衝擊於兒以致生疾

切忌產時傍人不得揮霍恐驚動產母只可令一兩老
成并親屬人扶持令行或不能行即須且立直候兒逼
生方可得正產或正卧切忌上草太早生病極多子母
纔分莫問兒女速與童子小便一盞及逐惡血藥一服
下得令便卧且候移時背靠軟物仰卧立膝高搯牀頭
厚鋪裯褥遮障孔隙免有賊風所傷仍須三日內常令
產婦鼻內聞猛醋烟以備血暈也又不得教熟睡頻喚
省緣氣血全虛恐生昏亂凡在一七日內唯頻服童子

小便醇酒各半盞煎令沸放溫服日五七劑及食白淡
粥二七日食淡膾肉三七日漸食滋味一月內菜實生
冷恚怒嗔愁並皆不可稍染微病即成大病一百日內
氣血未和勿恃平寧便為無事往往自恣輒成大病凡
十二月產帳及藏胎衣但向月德月空上皆可假令正
月即月德在丙月空在壬上坐產婦丙上藏胎衣如壬
位不便即於丙上安之亦得但於集聖厯日上檢着備
詳也

藿香散 安胎和氣利胃膈治噎塞阻食

藿香 人參 茯苓 去皮 白芷 甘草 威靈

仙 桔梗

右七味各等分杵為末每服二錢水一盞生薑三片同煎六分溫服

阿膠散 治妊傷寒安胎出汗

大獨頭蒜

一顆以秋瓜蔓裹了外用黃泥固濟定以炭火二斤燒令通赤放冷打開

取出細研如未有瓜蔓但只以瓜根半兩代之

羌活 獨活 蒼朮

米泔浸一宿
去粗皮焙

紫菀

白朮

人參

附子

炮去

皮臍

阿膠

真好者已
上各一分

甘草

炙半兩

右一十味都擣為細末每服一大錢水一盞入連
鬚葱白一寸同煎至七分溫服如人行十里許連
二服至三服末後一服吃了便以冷水漱口一二
十遍漱罷以衣微蓋汗出大妙

催方滑胎散 治疼痛

槐子

炒

麥蘖

炒

貝母

炒

滑石

當歸

各炒

等分

右五味同為細末每於未產月十日前每日空心
用溫酒下二錢

滑胎散 產前服

牽牛子

一兩

赤土

少許

右二味研令極細母覺陣頻時煎榆白皮湯調下
一錢

又方

用臘月兔頭腦髓一箇攤於紙上均剪作符子
於上面書生字一箇覺陣頻動時於母釵子股
上夾定燈焰上燒灰盞子盛了煎丁香酒調下
治子死胎中方

黃明乳香

不限
多少

右於端午時或歲除夜收豬心血相和研為丸如
雞豆大以紅絹袋盛掛於門上如患者以冷酒磨
下一丸

備急丹 治產後惡血衝心或胎衣不下腹中血塊等

用錦文新大黃一兩杵羅為末用頭醋半斤同熬成膏丸如梧桐子患者用溫醋湯七分一盞

化五九服之須臾取下亦治馬墜內損者

香桂散

治產後臍下疼痛不止

產寶諸方作當歸散

當歸

川芎

各一分

官桂

去皮半兩

右三味同為細末分作三服每服酒一盞煎三五沸更入童便少許同煎至七分溫服甚者不過再

服必瘥

金黃散 治產後惡血攻心時發燥

蒲黃

兩半

延胡索

兩一

桂心

分一

右三味杵為細末每服一錢用烏梅湯放冷調下

金花散 治逐惡物止腹疼

桂心

去皮

威靈仙

白芷

當歸

牡丹皮

各等

分

右五味同杵為末每服二錢煎麴湯調下大凡婦

人產後更須常體問產婦如所出惡物多即不須再三下之過即血虛氣極煩悶暈亂而生病焉如覺比常少及不行切須急攻之緣血隨氣行上掩於心故令煩悶而心滿急二者為異切在審詳蓋產婦體虛切不得妄亂進與湯散如別無狀候但與調氣治血湯散最妙

沒藥丸 治產後心胃煩燥惡血不快

沒藥 蠻薑 延胡索 乾漆 當歸 牛膝

牡丹皮

桂心

去皮

乾薑

各等分

右九味同為細末醋煮麪糊為丸如桐子大煎麪

湯下十九至十五丸不拘時

延胡散

治產後血渴不止

延胡索

鬱金

乾葛

官桂

去皮

青橘

去白

枳殼

各等分

右六味並以好醋浸一宿炙乾杵為細末每服一

錢冷橘皮湯下不過三服差

常山飲 治產後血海虛乘熱發狂悶亂作時

常山

石膏

大黃

煨

甘草

炮

鼈甲

醋炙

柴胡

去皮

右六味各等分為末每服三錢水二盞煎至一盞
放冷服兼治室女體熱紅脈不行

芸臺散 治產後心腹諸疾

芸臺

以紙襯炒

當歸

官桂

赤芍藥

各等分

右四味為末每服二錢煖酒下趕下惡物

蓬莪茂散

治產後血海氣虛腹臟疼痛心胃症悶每

遇紅脈行或多或少及有塊積者

蓬莪茂

當歸

細切炒

大黃

紙裹慢火煨候紙黃住

桃

仁

去尖麤炒黃色各一兩

桂心

芎藭

牡丹皮

木

香

延胡索

炒用

赤芍藥

各半兩

右一十味搗為細末每服一錢溫酒調下午前臨

卧各一服

大聖通真丸

馬鳴退

二兩
灰秤

人參

一兩
去蘆

甘草

二兩
炮

防風

一兩
分去蘆

當歸

二兩
炙

芍藥

二兩

桔梗

三兩

石

膏

二兩
如粉研

白芷

一兩
一分

乾薑

一兩
炮

附子

一兩

炮

芎藭

一兩

藁本

一兩

澤蘭

二兩
一分

白蕪荑

一兩

川椒

三兩
出汗
取紅秤

栢子仁

一兩

石茱萸

一兩

一分
醋炒

蟬退

二兩
炒

蒼朮

一兩
炒

白薇

一兩

白

一兩

厚朴

一兩
一分
入生薑汁塗炙令香熱

木香

黃耆

牛膝

各一兩
本方法原不用此
三味好事者加之亦得

右二十六味搗羅為末煉蜜為丸如彈子大每日
空心茶酒任下 療八風十二脾寒氣乳風血瘀
又治胎不安子在腹中死兼療萬無不効 如胎
不安服一九便止 如娠時臨月日服一九至產
不知楚痛消去寒熱 如產衣復發惡露中風兼
傷寒汗不出以麻黃三分去根節杵末酒煎下藥
九汗出如多更進一九便止 腸堅積聚朝暮進
一九 陰中痛月經不調不過三九即差 又絕

產無子朝暮服之 輒因有子四肢脹滿洩利嘔吐不能飲食赤白痢如因產惡物積於大腸中風口噤不語挑開口研酒化一九灌之即愈 男子女人萬病悉皆治之言有所療說不具盡若阻道途有疾輕重以意服兼治傷寒

大聖散 治婦人產前產後一切疾患大能安胎和氣或子死腹中疴刺疼痛產後血暈血癖血滯血崩勞血入四肢應是血臟患者并胎衣不下及傷寒嘔吐

遍身生瘡經候不調赤白帶下乳生惡氣欬寒熱
氣撮四肢室女紅脈不調並宜服之如或子臟虛冷
頻頻墮胎及孕娠後乖違將攝因依成疾並可服之
若能常服和悅顏色血海安寧飲食進美舉止康強
丈夫服之亦療五勞七傷

蘇沈良方
名澤蘭散

澤蘭

九分使嫩
者不用根

白朮

三分米泔浸切作片
子以麴炒令黃色

人參

三分

白芷

三分濕紙
裏煨過

藁本

二分
去蘆

川椒

一兩只取三
分紅皮用

厚朴

一兩去皮
薑汁炙

桔梗

一兩

生

乾地黄

一兩半

吳茱萸

四分洗炒

卷栢

四分不用根

防風

一兩

白茯苓

一兩去皮

當歸

七分洗去苗

芍藥

七分

川芎

七分微炒

甘草

七分炙黃色

栢子仁

一兩生用

石膏

二兩研細水飛過

乾薑

三分炮

肉桂

五分去皮不見火

白薇

二分去土

川烏頭

三分炮去皮臍

黃耆

三分

白蕪

萸

七分揀擇只用仁子

五味子

三分

丹參

三分

細辛

一兩

阿膠

半兩研炒令虛別杵

右二十九味並揀擇令淨分兩為末每日空心以

熱酒調下一錢如婦人一切疾病但請服之神妙

蘇沈良方云予家婦人女子羸弱多疾者服此藥悉差往往有子

二十四味萬靈丸 治婦人產前產後諸疾并三十六

種冷血風氣等病

人參

半兩

茯苓

三分去皮

當歸

官桂

去皮

牛膝

去苗

吳白芷

木香

藁本

麻黃

去節

細辛

甘草

炙

芎藭

黑附子

炮

蘭香菜

如無菜只用子

亦得

左山寒水石

防風

桔梗

赤參

蟬

退

以上各半
兩去土

芍藥 牡丹皮

各三分

馬鳴退

一兩
炙

沉香

一分

石茱萸

一分

右件同為細末煉蜜為丸如彈子大每日空心用
酒化一九治八風十二疝乳中風淋血聚并治
胎不安若死在腹中不過三丸生下死胎生
衣不出一九便出產後腹內絞痛繞臍下如刀
刺相似者一九便止產前產後赤白痢并帶下
及嘔逆心氣煩滿服一九立差如懷胎入產月

但一日一服至生產時不覺痛 產時傷寒中風
體如板者用熱煎麻黃湯下一丸立止 經信不
通或頻併來或白喫食無味瘦惡乍熱面赤唇焦
手足煩疼遍身如黑點生血斑凡婦人一切疾病
但服此藥必有功效

保生丸 治產前產後血氣風冷及是婦人所患一切
疾病並皆理療神驗

金釵石斛

一分 別杵

秦艽

官桂

去皮

乾地黄

貝母 防風 糯米 甘草炮 乾薑炮 細

辛已上各一分 當歸 蜀椒去黑子只用皮 大麻仁

大豆卷黑豆皮是 黃芩已上各二分 石膏明淨者 麒

麟竭 沒藥 龍腦各一錢半

右一十九味並須州土新好者大分細擣羅為末
煉蜜六兩熱須入水一分同煉令水盡和藥為丸
先杵五百下後丸如彈子大勻可成七十二丸用
湯使治病狀如後 產前產後血氣頭旋身戰可

用薄荷酒下 月信不通當歸酒下 赤白帶下
溫酒下 婦人臨產難產胎衣不下子死腹中橫
產倒死死絕不語但看頭熱氣在取一丸用芎藭
湯研灌口中但入喉立甦神妙 產後惡血不盡
臍腹疼痛嘔吐發熱憎寒煩悶月候不調或多或
少皮膚虛腫產血不止虛勞中風口噤不語半身
不遂產前產後赤白痢大便祕澀血渴血暈狂語
見鬼頭痛面色痿黃漸成勞瘦飲食無味已上病

狀並無灰酒研下一丸服至五七九臨產五臟不
痛男女易生其神驗難述 催生當歸酒下 產
後中風血暈生地黃汗同煎十沸研藥一丸灌之
立瘥 禦風但五日一度嚼爛一丸空心熱酒下
或浴後嚼一丸溫酒下 小兒天癰驚風薄荷酒
下一丸分作三服 中風不語身忽如板用消梨
好瓢薄荷同研熱服一丸灌之了衣被蓋但汗出
相次揭衣被便當風坐卧立瘥 其婦人身邊一

切諸疾但只以溫酒及當歸薄荷同研一丸立瘥
產寶諸方云忌生冷油膩魚雞等物湯酒入口
溫熱得所但未產以前與產後一臘好依方合一
法博濟方中用麒麟竭沒藥破血產前不可服若
合只依太醫局此方除三味合之分兩亦同產前
後亦可通服也初產作小丸服之一法初產了五
七日間氣虛蜜藥纔下散胃膈間恐發虛熱凡合
一料以糯米糊丸半料糯米糊丸者初產至兩臘可服

九如桐子大分三十六服

阿膠丸 治產前產後神妙

真阿膠

四斤火炙令熱為末

蛇脫皮

一條燒灰

熟艾

半兩燒灰

敗筆

一管用頭燒灰

大麥花

少許炙乾如無此花以麥蘗上牙子代之亦得

為細末

右五味一處研令細以軟粳米飯為丸如雞豆大

如丸時黏手以少許麴為丸 婦人有身十箇月

滿足者有諸般疾病用井花水磨下一丸 產後

有病用通靈散一字醋湯磨下一丸 此藥大安

胎臟如築打著及死胎在腹中用醋湯下一丸

產前欬噎用千金散子一字熱水調下一丸 產

前產後被血衝心用黃散子半錢醋湯調下一丸

產後遺瀝不止用燒鹽半錢無灰酒下一丸

難產者三日至五日服此立下用通靈散子醋湯

下一丸 如婦產時衣先下未見兒足踏衣生用

通靈散子一字調下一丸 如兒先下衣未見須

史用醋湯下一丸 如刺前後心用通靈散子一
字調下一丸 如漿破後經三五日不生用黃散
子一錢酒調下一丸 產前產後痢醋湯下一丸
血氣用艾枝煎湯下一丸 罌粟炒令黃為末
是千金散 真阿膠炙令黃為末是黃散子 蛇
蛻衣燒灰為末是通靈散子

琥珀散 治產前產後血氣不和及一切疾

當歸

一兩
微炒

川芎

一兩

赤芍藥

二兩

蓬莪朮

一兩

煨

右為末每服二錢空心溫酒下如腰腹痛加陳橘皮一兩去白乾薑半兩炮同和勻如不喫酒以水一盞同煎至七分溫服

經氣雜證

白薇丸 治婦人無子或月水斷續不勻及上焦虛熱下部冷慙飲食減少肢體黃瘁凡有心腹一切疾病和劑局方名小白薇丸治婦人衝任虛損子藏受

寒久無子息及斷續不產此因上熱下冷百病滋生
或月水崩下帶漏五色腰腹疼重面黃肌瘦或因產
乳不能將護路厠太早或久坐濕地並冷風從下入
血藏既虛風邪內乘或月水當行失於調攝傷動胞
絡陰陽不和上焦虛陽壅燥下藏邪冷結伏致使月
孕不成冷極傷敗月水不勻飲食減少夜多盜汗面
生黧黯齒搖髮落脚膝疼重舉動少力並宜服之

白薇

乾熟地黄

川椒

去目及閉口者微炒去汗

白龍

骨

各一兩

車前子

當歸

剉碎炒

芎藭

蛇牀

子

細辛

乾薑

炮裂碎各半兩

藁本

白芷

覆

盆子

官桂

去皮

菖蒲

白茯苓

去皮

遠志

去心

人參

去蘆

桃仁

湯浸去皮尖雙仁麩炒黃

卷栢

各三分

麥

門冬

一兩半去心焙

右二十一味同杵為細末煉蜜為丸如桐子大每

日空心及晚食前溫酒下三十丸

局方云常服壯筋骨益氣血暖

下藏除風冷
令人有子

鼈甲丸 治婦人月經不調肌肉黃痺脇下積氣結硬
時發刺疼漸成勞狀

鼈甲

去裙襴
醋炙黃

官桂

去皮

荊三稜

醋淬
急炒

牡丹

皮

牛膝

去苗

訶子皮

琥珀

川大黃

煨

桃仁

麩炒去
皮尖

土瓜根

各等
分

右一十味同為細末煉蜜為丸如桐子大煎桃仁
湯下十五丸破血癥氣塊尤妙

桃仁煎

治月水不調阻滯不通

桃仁

二兩湯浸去皮尖
雙仁麩炒微黃

川大黃

二兩

蟲蟲

一兩

炒黑色去
翅足頭用

川朴硝

二兩

右四味同為細末用醋五升入銅銀鐺內以慢火
熬成膏可丸丸如桐子大當日晚不喫晚食五更
初以溫酒吞下一丸不嚙破至明日午際取下如
赤豆水或似羊肝蝦蟆衣其病下了即一九分作
二服未下再服候鮮紅即住服仍以調氣湯散補
之

延胡索散 治婦人血氣走作疼痛不可忍者及月水不調面色萎黃喫食減少及生產後諸疾並皆治之

延胡索

生用

荆三稜

生用

蓬莪朮

酒浸少時

當歸

去蘆酒浸焙乾各一兩

右四味同為細末每服二錢空心溫酒下如血氣發甚者及月水不勻並用童子小便酒紅花同煎調下只三服差矣

當歸煎丸

治婦人久積血氣時發刺痛肌瘦力乏月

候不勻

川當歸

去土
二兩

檳榔

赤芍藥

牡丹皮

延

胡索

各半
兩

右五味先將當歸用米醋一升二合慢火熬成膏
入衆末和為丸如桐子大每服二十九溫酒下空
心日午服

澤蘭丸

治婦人血海虛損肌肉黃瘁喫食進退月水

不勻四肢倦悶

聖濟總錄治乍多乍少
或斷或續或湛或濁

澤蘭

一兩

附子

一兩炮

當歸

牛膝

牡丹皮

芍藥

各半兩

人參

陳橘

厚朴

去皮生薑汁炒令香

細辛

乾薑

炮

蛇牀

各一兩半

黃耆

乳香

白朮

茯苓

酒浸炙

官桂

去皮各三分

川芎

半兩

遠志

去心半兩

右一十九味同為細末煉蜜和丸如桐子大空心

溫酒下十五丸米飲亦得

沈香鼈甲散

治室女榮衛不調經候凝滯或時頭目

昏悶上膈積涎肢體不利五心虛煩飲食進退多困
少力

木香

兩一

沉香

分三

鼈甲

九肋者一枚淨去裙襖醋炙令黃香用一

兩半

常山

兩一

當歸

去土并苗一兩

柴胡

去苗一兩

人

參

去苗一兩

白茯苓

去黑皮一兩

官桂

去粗皮一兩

青

橘

去瓢一兩

陳橘

去瓢一兩

生地黄

一兩

半夏

一兩以湯

洗七遍去滑止

檳榔

分三

甘草

三分炙

右一十五味各製好了焙令乾同搗羅為末每服

二錢水一盞又入生薑三片同煎至七分去滓溫

服空心日午臨卧各一服

御藥院方內有麥門冬一兩無官桂一味

乾柿煎丸 治衝任久虛下漏不時連年未止變生多

病夜有盜汗欬嗽痰涎頭項多痛百節酸疼血海虛冷面生黧黯臍腹刺疼全不喫食日漸瘦弱懷妊不牢或無娠孕並宜服之

好乾柿

十箇去蓋細切

沉香

一兩杵為末用好酒三升浸香柿子兩伏時

銀器中文武火熬成膏乳鉢內研如糊次入下諸藥

禹餘糧石

四兩紫色者不

用夾黃燒通赤入頭醋內淬十
度杵為末研令細入諸藥內

白朮

一兩

吳

茱萸

一兩湯浸一宿
去浮者慢火焙

川烏頭

一兩酒浸一宿
炮裂去皮臍

乾薑

半兩
炮

地龍

二兩槌碎去土於新
瓦上慢火炒令黃色

陳橘

皮

去白
一兩

右七味搗為末入前藥膏和令得所入白內杵一

二千下取出為丸如桐子大每服十九至十五丸

溫酒下醋湯下亦得

如患多倦少力全不思食

粥飲下

如欲妊娠服不過兩月必有空心食前

服

人參荊芥煮散 治婦人血風勞氣攻刺疼痛四肢無力不思飲食多困黃瘦胃膈痞滿經水不利心多怔忡

荊芥

四兩只用穗

柴胡

去苗

秦艽

並洗去泥

肉豆蔻

去殼

白芷

黃耆

鼈甲

洗淨醋炙黃

桔梗

官

桂

去粗皮各二兩

當歸

洗去泥

芍藥

蓬莪茂 麥

門冬

去心

芍藥

人參

茯苓

去皮

海桐皮

枳殼

麩炒
去瓢

甘草

炙

乾地黃

酸棗仁

去
皮

木香

各一
兩

沉香

半
兩

檳榔

半
兩

右二十四味並杵羅為末每服二錢水一盞生薑

三片烏梅二箇同煎至七分溫服一日二服如

覺臟腑熱即空心服小便多即食後卧時服

如患有氣塊血塊立得消亦治丈夫風勞病其功

不可盡述

香甲散 治婦人血風虛勞四肢少力肌肉黃瘁多困

減食遍身酸疼真邪相擊心腹撮痛

木香

三分

鼈甲

去皮肉醋炙
令香二兩

牡丹皮

紅芍

藥

陳橘皮

去白

官桂

去皮

人參

茯苓

熟

乾地黄

秦朮

柴胡

去苗

白朮

當歸

炒

黑附子

炮製去皮
臍各一兩

乾薑

三分
炮製

甘草

半兩
炙

右一十六味同為末每服二錢水一盞入生薑三
片棗二枚同煎至七分去滓稍熱服如煩渴心
燥更入烏梅一兩同杵為末

大香甲九 治婦人血臟風虛冷氣肌肉黃瘦飲食進

退經候不勻心腹多脹漸變如勞補血海調氣

沉香

兩半

鼈甲

湯浸去裙襴炙
令黃香用一兩

柴胡

去蘆
兩半

人參

兩半

桔梗

兩半

茯苓

去皮
兩半

川芎

兩半

藿

香

葉
兩半

羌活

兩半

木香

兩半

陳橘皮

去白
兩半

牡丹皮

兩半

安息香

兩半

荆三稜

炮
兩半

厚朴

薑汁炙令
香半兩

當歸

兩半

官桂

去皮
兩半

附子

炮去
皮臍

牛膝

去苗
兩半

桃仁

湯浸去皮
尖半兩

和皮大腹

子
分一

右二十一味各洗擇淨焙乾為末分一半每服二錢水一盞入生薑黑梅各少許同煎至八分溫服餘一半更入

乾漆

分一

阿魏

兩半

赤芍藥

分一

右同為末煉蜜為丸如梧桐子大每服二十九至三十九空心煎烏梅地黃湯下與散子相間服

金花散

治室女骨蒸熱勞

藿香

分一

零陵香

分一

蓮子心

分二

延胡索

芍藥

香白芷

川芎

當歸

官桂

去皮各一分

晚蠶蛾

分二

右一十味同搗羅為散每服溫酒調下一錢一日

二服

枳殼飲子

治婦人手足煩熱夜卧多汗肌肉黃瘁經

候不勻四肢煩倦心胃滿悶狀似勞氣

商州枳殼

二兩麴炒去白

半夏

一兩湯洗七遍以生薑汁浸三宿用麴炒

令黃

紅芍藥

一兩

柴胡

去苗一兩半

黃芩

一兩半

右五味同為細末每服二錢水一盞生薑一塊擘
破棗二枚同煎至八分去滓溫服候五心煩熱及
身體壯熱潮熱退方住服

當歸散 治婦人血風攻疰百骨節酸疼皮膚虛腫筋
脈拘急或生癰疹寒熱不時飲食無味

延胡索

當歸

去蘆

蒲黃

炒

京芎

乾地黃

赤芍藥

澤蘭

蓬莪朮

炮

天麻

地榆

醋炒

焙乾

肉桂

去皮

滑石

桂府出者
炒先研細

右一十一味皆等分唯地榆減諸藥之半各依法修製了杵羅為細末每服一錢半溫酒調下或薄荷茶清調下亦得如手脚冷卒患血氣奔心撮痛炒生薑酒調下二錢

牡丹皮散 治婦人血風攻症頭目疼痛遍身煩疼口苦舌乾多困少力或發寒熱狀似傷寒

牡丹皮

赤芍藥

各二兩

川芎

一兩半

羌活

一兩

半

甘菊

防風

各二兩

半夏

一兩半湯浸洗七度炒令黃

甘草

一兩炙

右八味同為細末每服二錢水一盞薑二片薄荷

十葉煎至七分稍熱服

狼毒丸

治婦人血風攻疰腰脚及背膊疼痛四肢煩

倦麻痺兼療丈夫元臟風攻遍身痛筋脈拘急腰脚

無力

天南星

狼毒

海桐皮

黑附子

炮各等分

又一法更加牛膝一味焙
用之以酒浸一宿亦妙

右四味各用童子小便浸安著盞子四隻內浸一
宿漉出控乾杵為末酒糊為丸如梧桐子大每日
空心以獷豬膽汗十餘滴炒蔥一根簽酒下二十
丸只酒亦得如有孕不可服之

牡丹皮散 治婦人脾血臟冷氣不和心曾煩悶不思
飲食四肢無力頭昏身體痛

牡丹皮 芍藥 白芷 乾薑 各一分 當歸

延胡索 陳橘皮

去瓢

官桂

去皮

烏藥 苦杖

紅花 川芎

各半兩

右十二味並生杵為末每服一錢半用生薑二片酒水各半盞同煎至七分溫服如初生產後每日三服一七日後漸減服數如喫藥後腹內些小疼痛請不怪如喫至滿月永無病生

赤芍藥散 治婦人氣血不和心胃煩悶不思飲食四肢少力頭目昏眩身體疼痛

牡丹皮 白茯苓 紅芍藥 吳白芷 甘草

各一兩
柴胡 二兩半
去苗

右六味為末每服二錢水一盞入薑棗同煎至七分溫服食後臨卧各一服

勝金丹 治婦人血海虛冷臍腹冷疼肌肉黃瘦飲食進退時多困倦四肢發煩產前產後諸疾但依法服食大効

大黃

三兩用米醋浸兩宿以竹刀子細切於瓶上蒸九度研為糊

當歸

半兩

蒲黃

兩半

官桂

去皮
兩半

赤芍藥

兩半

乾地黄

兩半

醋微

炒

劉寄奴

一分
畧炒

芫花

一分
於銀器內炒令黃色

犯鐵

器

蓬莪茂

兩半
炮

川芎

兩半

延胡索

兩半
於銀

器內

杜牛膝

兩半

地龍

去土
醋內
炒過兩

右十二味並同為末傾入大黃膏內搜和為丸如

雞豆大每日早晨臨卧用溫酒化下一丸如產

前有疾以炒生薑酒化下一丸產後只用溫酒化

下一丸月數未多即且莫服此藥

黑靈散

治婦人遠年血氣甚者

穿山甲

半箇

黑鯉魚皮

半箇

小兒髮

半兩

皂莢

不蛀者
三錠

右四味同入於甕瓶子內用鹽泥固濟先用文武火燒次用大火煨之令赤熱放冷取出研細每服半錢溫酒調下

順氣木香丸 治婦人血氣攻刺手足疼痛冷痺心腹久積掙刺口吐冷涎面目青黃色發歇有時

黃芩花

一兩

巴豆

七箇用醋半椀浸一宿於鉢內煮盡醋炒紫色

延

胡索 秦艽

桑蛾

各半兩

官桂

一分

木香

一分

右七味為末醋煮麪為丸如綠豆大每服十九熱

酒下

沒藥散

治婦人急血氣疼痛不可忍者

沒藥

紅花

揀淨

延胡索

洗

當歸

洗去土各等分

右四味為細末每服二錢以酒半盞童子小便半

盞相和勻赤燒稱鉞或小鈴子淬過後調下常服

只用溫酒一盞亦得

伏龍散 治婦人赤白帶下久患不差肌瘦黃瘁多困

乏力

棕櫚

不以多少燒灰纔火著急以盆蓋陰令火住

屋梁上塵

懸長者如

無以竈頭上空虛者抄於銚子內炒令烟盡於淨地上放冷出火毒

伏龍肝

於鍋

竈直下去取赤土炒令烟盡用

右三味等分研和令勻入龍腦麝香各少許每服

二錢溫酒調下鹽醋湯亦得患十年者可半月瘥

大琥珀丸 治婦人百病

木香

二兩細切微炒

琥珀

二兩生用

北亭

一兩以熟湯化為水澄去

砂石取青者白磁器內熬成粉

京芎

二兩炒

官桂

一兩去粗皮不見火

當歸

一兩去蘆畧炒

白僵蠶

一兩揀直者去絲取淨用生薑自然汁於白梔

內焙乾

沒藥

一兩生用

薑黃

一兩畧炒

蟬殼

一兩去塵土爪

面洗淨用之

右一十味並依法修事稱定分兩一處為末別以乳香一兩用水磨盡香在水內入少白麪為糊丸

如菰豆大以好生硃砂一兩半麝香一錢為衣將
硃砂麝香末分為三度上之貴色勻也治婦人室
女百病常服五丸溫酒湯亦得久病十五丸至二
十丸日兩服 赤白帶下煎荊芥酒下 經脈不
通虎杖京芎蜜同煎酒下 心氣痛不可忍生薑
醋湯下 上喘欬嗽訶子人參煎湯下 五勞傷
梅鼈甲葱白煎酒下 血邪發狂磨刀水磨生犀
下用鉛白霜亦得 四肢瘙痒遍體生瘡及五痔

何首烏煎酒下 血海積冷腹中絞痛食後氣脹

腰脚無力炒薑酒下 血暈悶亂童子小便酒各

半盞煎沸放溫下 血山崩白艾葉煎酒下 臨

產作陣血閉悶亂胎息不順子死腹中生衣不下

及要催生並用生雞子清一個熱酒調下 小產

產後敗血奔心口噤舌強寒熱發渴頭面浮腫坐

卧不得百節酸疼用生地黃生薑汗各少許入童

子小便各半盞同煎三五沸去滓溫服下 產後

中風用川烏頭二個炮裂去皮臍白僵蠶少許一處為末酒煎半盞下 產後淋瀝不止口苦盜汗乾荷葉阿膠煎酒下 頭面及四肢腫痛伸縮拘急延胡索酒下 血癥結塊刺痛難忍當歸煎酒下 赤白等痢熱陳米飲下 有孕不得服之

二十六味牡丹煎丸 治婦人血刺血瘕上搶血塊走注心胸疼痛血海虛冷臍下膨脹小腹滿悶腿膝無力血多血少背膊悶倦血氣皴裂手足麻痺身體振

掉腰脊偻僂月經不調或清或濁赤白帶下血山崩
漏面色痿黃身生癰疹腹內虛鳴面生黧黯手足熱
疼併筋攣骨疼兩肋攀急起坐托壁腰背牽掣舒展
不得 陳自明管見良方云治婦人衝任本虛小腹
挾寒或因產勞損子臟風寒搏於血氣結生瘕聚塊
硬發歇背項強急手足麻痺或瘀滯澁閉小腹疼痛
寒熱盜汗四肢酸痛羸乏少力心多驚悸不能飲食

牡丹皮

一兩

黑附子

一兩
炮

牛膝

酒浸一
宿一兩

藁

本

去土用細
稍一兩

五味子

生一兩

人參

一兩

白茯苓

苓

去皮一兩

白朮

一兩

官桂

去皮一兩

當歸

一兩

續

斷

細者一兩

赤芍藥

一兩

木香

一兩

檳榔

二兩

熟

乾地黄

二兩

乾薑

半兩

山茱萸

半兩

延胡索

半兩

白芷

一兩

縮砂仁

半兩

石斛

三兩

乾薯蕷

一兩

澤瀉

一兩

羌活

二兩

草薢

一兩末同炒熱

龍骨

二兩細研

水飛過

右二十六味並各州土新好者洗淨令焙乾杵為

細末煉蜜為丸如桐子大 如是血熱及夜多煩
燥不用附子山茱萸草薢乾薑此四味却入柴胡
黃連甘草牽牛子四味柴胡去苗一兩甘草一兩
餘各半兩為末同和每服十丸至二十九溫酒下
醋湯亦得空心臨卧各一服不嚼並無所忌

驚癇

安神丸 治小兒驚風搐搦化涎鎮神

使君子

兩枚以麪裹於慢火中煨
候麪熟為度去麪用之

水銀

一錢
結砂

子

香細墨

錢一

蘆薈

錢一

真熊膽

錢一

辰砂

錢一

臘茶

錢一

天竺黃

錢半

青黛

錢半

蝎梢

七

箇

乳香

錢一

龍腦

錢一

輕粉

錢二

寒食麴

錢一

半

右十四味同研令勻細滴水和為丸如菉豆大每服一九薄荷蜜水化下如小兒稍覺驚著化半九與喫若能常服永無驚疾

延壽散 治小兒驚搐不定或因驚風已經取下此病

再作氣粗喘促

雞舌香

大者
三枚

硃砂

半錢

五靈脂

半錢

黃耆

一錢
末

右四味同研為細末每服半錢用研糯米泔調下
如孩子小只服一字

神効龍腦膏 治小兒驚風搐搦痰塞在心戴眼直視

或眼不開口噤四肢或冷或熱大便或秘或泄

生龍腦

一錢用柳木槌子
研以熟腦代亦得

膩粉

一分

水銀

半兩

用臘茶半錢好酥一塊如棗大
以水銀一處搗磨調和殺研之

天南星

二錢
先去

皮臍濕紙裏熟灰內
煨炮取去為末同研

石腦油

冬天用半兩夏
天用一分將前

末同研候油入
和調硬軟得所

右四味為末以石腦油和丸如菉豆大一歲二歲
三歲四歲一服一九二九煎乳香湯下不得化破
服後三五頓食久取下惡物痰涎大有奇功

桃紅丸 治小兒慢驚墜涎安蟲其狀多因久患脾胃

虛弱風邪中入而作此疾

綠礬

一兩半

赤脚烏

半兩

右二味同為細末作稠麪糊為丸如菴豆大每服用溫米飲下三九次喫補虛丸

補虛丸

新羅白附子

一兩湯洗去皮

大半夏

一兩

右二味各用白湯浸三日每日換水三度取出焙乾為末以生薑自然汁著兩錢薑末煮糊和為丸如菴豆大每服三九溫粟米飲下

牛黃硃砂丸 治小兒慢驚風搐搦及天癇似癇者

蝎梢

二七箇

牛黃

半錢

麝香

半兩

黑附子尖

三箇

雄黃

少許

硃砂

一錢

巴豆

一粒好者燈上燒令皮焦剝去皮用肉

右七味一處研令勻如粉以蒜蒸餅和為丸如蘿

蔔子大濃煎荊芥湯下一丸以衣被蓋少時汗出

可愈 如天癇搐搦開口不得者便用苦柳草蒜

入鹽同杵塗藥一丸在兒後心上以前蒜蒸下餅

子蓋之用手帛子繫定後更服一丸化破入麝香

少許以煎湯下之覺口內蒜氣渾身汗出立差用
端午日合忌雞犬婦人見

如聖青金丸 治小兒體熱忽發吐逆夜驚啼衄再不
解或祕或泄變成慢驚或為疳疾等狀定搐搦療疳
病墜痰涎鎮心神

龍腦

錢一

麝香

分一

香墨

半

錢一

膩粉

錢一

白

麴

錢三

使君子

兩箇

以白麴

裹

慢火

煨令熟

青黛

錢二

金

箔

銀箔

各一十片

如無

少用

右九味同研令細滴井水和丸如雞豆大患慢驚
用薄荷水化下一丸服訖須臾便睡睡立愈後更
服三兩服如些些小驚者及急驚只服半丸以下
慢驚隨大便取下涎一合以來神效

睡驚丸

治小兒慢驚風身體壯熱手足微瘈

見栖真子嬰童

寶鑑

白龍腦

硃砂

末各一錢

香墨

末

青黛

末

蘆

薈

末各一錢

膩粉

一錢

使君子

兩箇

右件以寒食麪為糊丸如桐子大用薄荷水化一

丸

厚朴散 治小兒外傷風冷解肌

厚朴

去皮以薑汁塗炙令香

蒼朮

陳橘皮

去瓢各一兩

乾薑

三分

甘草

半兩

右件同為細末每服一錢水一盞入薑錢二片棗一枚同煎至六分熱服

鉛白霜丸

治小兒驚風傷寒四五日未得汗搖頭撲

手上竄多啼叫不睡喫水無休

鉛白霜

半兩

硃砂

馬牙硝

人參

天竺黃

各半兩

山梔子

一兩

甘草

半兩
炙

右七味為末煉蜜為丸如桐子大每服一九冷熱

蜜湯化下

青黛丸

治小兒驚食硬氣

青黛

一分

木香

豆蔻

檳榔

各一分

麝香

一錢

續隨子

一兩
去皮

蝦蟇

三箇燒
存性

右七味同為細末煉蜜為丸如菰豆大每服五丸

薄荷湯下

紫霜散 治小兒驚涎壅熱睡中驚搐驚叫解心臍安

神魂

硃砂

一兩半
好者

鐵粉

半錢

鉛霜

一錢

天竺黃

一錢

龍腦

半錢以上五
味並同細研

甘草

一錢
炙

人參

一分

使

君子

一錢
麴
裹煨

右後三味先研為末細羅了却入前五味同研令

極細和勻後以銀器或新磁器內貯之服一字蜜水調下看小兒大小加減用之

真珠丸 治小兒驚熱有痰及多溫壯夜卧不穩喫食過多

天南星

末研一錢

巴豆

二十四枚去心膜以水浸一宿研細不出油用

右二味先研巴豆令熟次下南星以糯米粥和為丸如菉豆大隨兒年歲服之 瀉痢用米飲下

取食葱湯下如膈上有食即吐出如在中脘即瀉

下 驚悸薄荷荊芥湯下

金化散 治小兒驚熱化痰利膈

川大黃

濕紙裏煨

乾葛

甘草

炙

川甜硝

別研細各

等分

右同為細末每服半錢水一盞煎至六分食後溫服

小硃砂丸 治小兒驚積鎮心臟化痰涎

硃砂

一錢細研

巴豆

三十粒去皮膜出油盡

半夏

湯洗七遍研為

末抄二
大錢

杏仁
五枚於熱灰內
炮湯退皮尖

右四味一處同研令細勻以麪糊和丸如菉豆大
二歲只服一九荊芥薄荷湯下三歲加一九五歲
服三九如有驚伏在即行盡仍舊藥出如無驚藥
丸更不下甚妙而復穩

辰砂丸
治小兒壯熱驚積在內壅併痰涎及妳癖取
虛中積轉驚

辰砂

一兩

定粉

半錢

粉霜

半錢

膩粉

一錢

麝

香

少許

白丁香

半字

右六味同研為細末用粟米飯和為丸如菉豆大
捻作餅子慢火內微炮令紫色用粟米飲化下一
丸微利為度

錢湯丸

治小兒驚積壯熱

烏牙皂角灰

錢一

硃砂

錢一

天南星末

錢半

滑

石

末一錢

輕粉

三錢好者

巴豆

二十四粒去皮尖

右六味同研至細以寒食麵為糊和丸如菉豆大

每服一歲二歲二九三歲三九煎錢湯下臨卧服
延壽丹 治小兒驚癇及大人卒中惡風涎潮昏重口
眼喎斜四肢瘳曳口噤不省大效

辰錦砂 膩粉 鐵焰粉 白附子 各二兩 蛇

黃 用醋浸少時
以大火煨過 大附子 炮各九兩 天南星 生淨洗

羌活 巴豆 搥碎用新水浸逐日換水浸
七日後以紙裹壓出油用 牛

膝 去苗酒
浸焙 蝎梢 各三兩 生金 生銀 各別研
一分

麝香 真牛黃 各別研一
兩一分

右一十五味同研和為細末以蜜和粟米飲搜和為丸如雞豆大每中惡風疹緩及五般癩疾薄荷酒磨下一丸老人半丸小兒驚癇十歲以上一九分四服四歲以下一九分五服新生孩兒一九分七服並用蜜水磨下如中風者髮直面如桃花色口眼俱閉喉中作聲汗出如油及汗出不流多要下泄或瀉血者並是惡候更不用服唯口噤眼開者藥下立差如患纏喉風壅塞氣息不通將

絕者急化一九生薑薄荷酒下必效

雙九子 治小兒癰瘡一切風痰傷寒小兒驚風等

天麻

輕灸

天南星

炮過

蠶蛾

蝎梢

須是鋒全者

生犀

鎔末

羚羊角

鎔末

硃砂

別研

藿香葉

白

檀香

烏蛇

酒浸去皮骨輕炙

零陵香

各一兩

天雄

尖

麝香

各半兩

牛黃

一分

雄黃

一錢

狐肝

一具

水煮薄切焙乾別杵

烏鴟

一隻去鬚爪腸肚於瓦罐內燒為灰別研羅入諸藥末內

右一十七味並揀擇淨分兩稱足依法修製擣了

然後更細研令勻煉蜜為和硬軟得所却於石上
槌三百下用埴器盛每服二九薄荷湯下大人白
豆大小兒菴豆大卒患併三服 癰疽中風用膩
粉三大錢水調同藥化下 小兒驚風金銀薄荷
湯下 婦人血風并產前產後中風手足彎曲當
歸紅花酒下 傷寒豆淋酒下三五丸

透冰丹 治一切風毒上攻心胸不利口舌乾澀風虛
痰壅不思飲食及風毒下注腰脚疼痛脾虛體黃腎

敗骨弱疏痰利膈治癰瘕等一切風疾小兒驚風

川大黃

益智子

去皮

茯苓

去皮

茯神

去皮

蔓荊子

去花葉

威靈仙

去土

天麻

僵靈脾

去梗

吳白芷

山梔子

七稜小者為上
去皮各一兩

麝香

一分
別研

細墨

一分
別研
方燒用醋淬研

川烏頭

四兩
生用
去皮臍太醫局

方用河水浸半月三日一換水
切作片焙乾鹽一兩炒黃去鹽

右並生為末入麝香墨拌勻蜜搜和入白內杵一

萬下九如桐子大每服薄荷汁溫酒下二九如

卷四
卒中研四九用皂角白礬溫水下立效 癰瘰風

每日服三五丸常服一九茶酒任下 小兒驚風

入膩粉少許薄荷汁化半丸灌之 瘰癧慈茶清

下一丸忌動風毒物

神寶丹 治大人小兒一切風疾但服此藥無不應效

自然銅 半斤 金星礬石 禹餘糧石 石膏 以上

各一兩

右四味用炭火煅通赤傾在醞醋內淬如此凡一

七度了放乾後都擣羅為末入在甕盆內以湯淘洗二十度候浮盡上面黑汗澄淨了只收在底真實藥於甕器內慢火逼盡水脈後細研乃用諸藥如後

蔓荊子 威靈僊 茯苓 去皮 天竺黃 天仙

藤 白僵蠶 鉛白霜 蚬蚶 去毒尖炒 白蒺藜

旋覆花 莽草 犀角 剉 半夏 湯洗去涎七度麩炒黃色

藿香 以上各一分 桑螵蛸 瓜蒂 各二箇 赤小豆

四十
九粒

人參

檳榔

半生半熟
各半兩

劔脊烏蛇

酒浸

去皮骨炙黃
用肉一兩

真虎骨

一兩酒
浸炙黃

白龍砂

以白
犬先

繫定將粟米餵三日取其第三
日糞淘取粟米焙乾用一兩

右件修製擣羅了再用下項藥

好硃砂

一兩
飛

牛黃

龍腦

各一
分

麝香

膩

粉
乳香

各少
許

右六味研殺如塵用前藥攪和令勻用槐膠水煮
麪糊和得所入鐵臼擣熟丸如彈子大焙乾每一

粒豆淋酒磨下作十服每五服後浸皂角水磨下
服之小兒患斟酌大小以意加減與服用薄荷金
銀湯磨下神效不可具述

神效雄黃丸

治小兒五般癇牛癇即牛聲馬癇即馬

嘶狗癇即狗吠羊癇即羊鳴雞癇即雞鳴五癇病者
五藏相引邪氣盈起寒厥反張手顫口吐沫須臾如
甦復作此方與錢氏五色丸同但博濟水銀用八
分耳

五色丸

硃砂

研半兩

水銀

作一分一兩

真珠

研末一兩

鉛

三兩

同水
銀熬

右煉蜜為丸如麻子大每服三四丸煎金銀薄荷湯下

疳積

金瓜圓 治小兒疳熱身多壯熱黃瘦久服肥孩兒解

饑

黃連

黃蘗

甘草

微炮

青橘皮

去白各等分

右四味同為細末研入麝香少許和勻以獾豬膽和却入膽內盛用線子繫定於石器內漿水煮五七沸取出風裏釣一宿取出為丸如菉豆大每服五七丸米飲下漸加至十九

至聖青金丹

治小兒一十五種風疾五般疳氣變蒸

寒熱便痢棗花糞脚細肚脹肚上青筋頭髮稀疏多
喫泥土掃眉毛咬指甲四肢羸瘦疳蛔咬心瀉痢頻

併饒驚多嗽疳蝕口鼻赤白瘡疳眼雀目此悉皆治
療入口大有神效

青黛

上細好者
二分研

雄黃

二分
研

龍腦

少許
研

硃

砂

一錢
研

膩粉

一分

胡黃連

二分

熊膽

一分用
溫水入

化藥

白附子

二枚

蘆薈

一分
研

麝香

半錢
研

蟾

酥

一皂
子大

水銀

一皂
子大

鉛霜

少許

右十三味細研杵羅為末後再都入乳鉢內細研
令勻用獾豬膽一枚取汁熬過浸蒸餅少許為丸

如黃米大曝乾於磁器內收密封或要旋取每服
二九各依湯使如後 小兒患驚風天廚戴上眼
睛手足搐搦狀候多端但取葯一九用溫水化破
滴入鼻中令嚏噴三五遍後眼睛自然放下搐搦
亦定更用薄荷湯化下二九 久患五疳四肢小
肚高擗眉喫土咬指甲髮稀疎肚上青筋粥飲下
二九 小兒變蒸寒熱薄荷湯下二九化破服
小兒久患瀉痢米飲湯下二九 小兒久患疳蚘

咬心苦楝子煎湯下二九 小兒患鼻下赤爛口
齒疳蟲并口瘡等用兒孩子妳汁研二九塗在患
處 小兒患疳眼雀目用白羊子肝一枚以竹刀
子批開內藥二九在羊肝子內以麻縷子纏定用
淘米泔水內煮令熟空腹喫仍令乳母常忌毒魚
大蒜雞鴨豬肉等 此藥小兒常隔三兩日喫永
無病不染橫天之疾凡有患但與服必有功效

蚶蚶黃連丸 治小兒疳食氣頭面虛腫腹內泄瀉面

色痿黃頭髮作穗心腹脹滿肚上青筋

疥蝦蟆

十枚洗去腹肚以酒浸炙令黃香即住

木香

一分

胡黃

連

半兩

黃連

半兩九節者

沉香

一分

丁香

一分

麝

香

少許

木鼈

半兩燒令烟盡用

乾薑

一錢燒令存性用

巴

豆

二十二粒以水淘洗去心膜并油並以紙裹用重物壓去油再研如麪止

右十味細杵羅為末以水浸蒸餅為丸如蘿蔔子

大空心臨卧米飲下一丸三歲以上二丸至三丸

忌粘滑物

方 治小兒走馬疳蝕透損骨者及小可攻蝕用之必
效

用大天南星一枚當心剗作坑子安好雄黃一
塊在內用麥麩裹火內燒候雄黃鎔作汁以盞
子合定出火毒一宿去麩研為細末入好麝香
少許掃在瘡上

秋霜散 治小兒走馬疳蝕唇頰齒牙浮動宣露口臭
至妙

信砒

一分

粉霜

半錢

膩粉

半錢

麝香

少許

右四味同研令細如粉每用時以指頭拈一粟米許搯在患處牙齦上立効

麝香丸

治小兒疳熱化食壓驚

麝香

青黛

雷丸

鶴蟲

管仲

黃連

各一

兩

扁豆

一十四箇
油煎去皮

右七味除麝香青黛外一處杵羅為細末於乳鉢內再研和勻用獺豬膽汁和蒸餅為丸如菉豆大

每服五七九空心日午米飲下看兒大小加減如
常服尤妙

青黛散 治小兒疳熱殺蟲

青黛 半兩好者細研

宣連 一錢半為末

苦楝根 三兩細切炮乾

為末 雄黃 一分通者別研

硃砂 一分好者別研

麝香 一分依上

別研 夜明砂 半兩別研

川大黃 半兩細剉蒸三度焙乾為末取用

蕪荑 半兩別研

右九味為細末每服看兒大小服一錢半錢如若

用蜜水調下日再服米飲調下亦可此宜常服

萬金散

治小兒疳蚘咬心痛面伏地卧口吐清水痰

涎

白檳榔

半分

苦楝根

石榴根皮

鶴虱

藜

蘆

右五味同為末空心熱茶調下一錢更臨時看兒
大小加減藥忌錫糖黏滑食凡疳在內即眼澀肚
脹痢色無定或如靛青日漸瘦弱此乃內疳之候

若鼻下赤爛自揉鼻頭上有瘡瘡不著痂漸漸
遠耳生瘡頭大項細此腦疳之候 若唇被蝕齒
作五色或峭黑口下疳白瘡上腭孔子口中臭氣
唇齒槁爛此乃口疳之候 若下部開張痢下膿
血有時赤爛痛不可忍痢下又無度臭不可聞此
是患疳之候

萬壽方 治小兒疳氣羸瘦腹大頸小頭髮稀疎臟腑不
調或瀉秘

乾蝸牛

半兩

乾蚯蚓

半兩

蛇蛻皮

一分

乾蝦蟇

三箇

使君子

五箇
炮

麝香

一分

右四味入罐子內封閉口炭火燒通赤同後二
味研細取為丸如菜豆大每服五丸米飲下一日
二服

胡連丸 治小兒疳瀉痢等極妙

胡黃連

丁香

蜜陀僧

各半兩

肉豆蔻

一箇

右件同研細入麝香一分和勻次入菜豆末少許

同水和為丸如麻子大兒三歲以下一九三歲以
上五丸 孩子腦疳鼻癢及赤爛黃連湯下 脾

虛羸瘦泄痢四肢虛腫青州棗湯下 肝疳眼澀

生瘡甘草湯下 骨疳冷地卧愛食土紫蘇茶湯

調下 常服米飲下 肺疳上氣急喘橘皮湯下

筋疳瀉血鹽湯下 蟲疳及瀉無定生薑湯下

雜病

真珠散 治小兒吐衄及霍亂吐瀉不止

石亭脂

抄一錢匕

白滑石

抄三錢匕

右二味同研千餘遍看兒大小生薑糯米泔調下

一字立差

乳香丸 治小兒霍亂吐瀉不定

半夏

半兩湯洗七遍生薑汁炒黃

乳香

砂仁

各一錢研

右三味為末麪糊為丸如菉豆大每服五丸米飲

下日三服

方 治小兒未及周歲吐瀉不止此乳母氣血動榮或

熱奶傷胃致有痰涎

雄黃

好者少許

大黃

五靈脂

各等分

右三味同研為細末每服一字磨刀水調下

香朴散 治小兒脾痛兼和氣止瀉及腹肋刺痛起止疼痛不思飲食

厚朴

兩一分

木香

分一分

麥蘖

炒一分

神麴

炒一分

青橘

去白一分

陳橘

去白一分

右六味同為細末每服半錢溫水調下

煨金液丹 治小兒三五歲患無辜瀉痢亦可服

硫黃

一名石亭脂一名金液取三五兩至十兩並煨得舶上黃為第一餘黃並使得但無

夾襍為上碎碾入罐子內可及八九分無妨

右件藥取煨藥罐子一箇盛藥在內下蓋子了採

狗蹄草一大握

本名石龍芮

木鑑草一大握

稻田中生一莖四花

如田字亦名水田草獨莖生

將二草入鐵臼內爛擣更入一掬

黃土同杵勻如泥

若無上件二草且只使益母草代之亦可

便將裏藥

罐子底下并周匝可厚五六分只至口縫不裏然

後置於平地上四面簇炭五六斤上面安熟火一斤以來燒之直候火燒藥罐子九分來通赤專看口縫處有碧焰子起便急手撥炭火急將柴灰三斗都蓋勿令氣燄出直候冷撥灰取出刮去泥土

以上是煨一度訣也
度度依此煨之

第二度依前法杵藥草裏固煨

之如前法煨五度若火候得所煨出如熟雞子香

即是候也若急要服只煨兩度亦可服之

煨度數多者為

妙煨度數足便於淨地上埋爐子一宿

出火毒凡逐度煨了

刮去下面又取出爐子於銚子著水煮一二十沸

砂石尤妙

然後敲破爐子取藥杵爛更入乳鉢內點煎水研爛如泥並無粗者却研令乾每一兩藥用蒸餅一兩以來浸握出水了入藥內和合更於茶臼內杵令勻如麪可丸如梧桐子大日晒乾孩子留末子細研以米飲調以孟子灌之夜啼心驚妳傷有痰涎者並速研藥一分以來令服之日二服自然便效逐下積物多多與服並無忌若三五歲患無辜

瀉痢並服得

烏龍散 治小兒秋後瀉痢久患不差大腸滑泄

龍骨 黃丹 定粉 豬指甲子

各等分

右四味同入一磁器罐子內安藥以物塞口用火煨令通赤放冷取出研為末每服半錢米飲調下使君子丸 治小兒臟腑虛滑及疳瘦下痢腹脹不思飲食

使君子

一兩麪裹煨以麪黃為度

甘草

半兩炙

厚朴

半兩去皮

薑汁炙
令香

陳橘皮

去白一分

青黛

半兩如是夾驚及帶熱瀉即入

此一味如只是臟腑不調不用此味

訶子

半兩半生半煨去核用

右件同為細末煉蜜為丸如雞豆大三歲以上每服一丸米飲化下兒年百日以上三歲以下每服半丸乳汁或清米飲化下

胡黃連丸

治小兒疳痢瀉痢等極妙

胡黃連

半兩

肉豆蔻

一箇

檳榔

一枚

丁香

半兩

訶子

二枚以一枚煨一枚生用

紅雪

一兩

蜜陀僧

半兩

右七味同研細末入麝香一分和勻次入菴豆末
少許同水和為丸如麻子大兒三歲以下一九三
歲以上五九孩子腦疳鼻痒及爛黃連湯下 脾
胃羸瘦泄痢四肢虛腫青州棗湯下 肝疳眼澀
生瘡甘草湯下 骨疳冷地卧愛食土紫蘇茶調
下常服米飲子下 肺疳上氣急喘橘皮湯下
筋疳瀉血鹽湯下 疳蟲及瀉無定生薑湯下
如聖散 治小兒多時瀉痢眼生醫膜并疳眼翳

蛇蛻皮

二條各長二尺
用紙燭燒炭研

穀精草

一兩去
根土

蟬

殼

一分
去足

黑附子

末二錢
去臍子

石決明

一分

定粉

錢四

右件前三味先擣羅為末次入諸藥研為散每服
一字半羊子肝一具切破糝末用麻皮線纏米泔
煮熟先熏眼後與喫如未能喫食研汁灌之

木香丸

治小兒調中順氣補虛

草豆蔻

五箇
和皮

人參

茯苓

防風

藿香

金匱要略卷之三
陳橘皮

去白各一兩

右六味同為細末每服一字或半錢薑鹽米飲調

下

葶藶丸 治小兒疳食衝脾傷風欬嗽涎

甜葶藶

一兩紙上炒過

牽牛子

一兩燼熟

漢防己

一兩燼熟

大杏仁

一兩去皮尖炒熟研

右三味先擣羅為末入杏仁同研用煮棗肉再杵

為劑丸如菴豆大每服三丸至五丸淡生薑湯吞

下一日二服

燒青丸 治小兒妳癖食癖每至午後時作寒熱微有

欬嗽脇肋癖硬

輕粉

二錢

玄精石

一分

粉霜

一錢

硃砂

一錢

白

麴

三兩

右五味同細研滴水和為餅子以文武火燒熟為度再研滴水和丸如黃米大每服七丸漿水下三歲以下服五丸

肉湯丸 治小兒瘕呬咳不止

銅青 大黃 豬牙皂角

各為末各炒一錢

右三味同研令細用油餅麪和為丸如小豆大每服五七丸煎豬肉湯下忌酸鹹

龍腦膏 治小兒風熱咽喉腫疼塞悶生瘡搔頭燥悶及蟲咬心痛

龍腦

半錢

白礬

一分銚子內煉過煎却礬汁泣乾為度

玄明粉

錢一 蟬殼

三十箇去足研末炒

蛇退皮

一條長二尺鐵器上焙焦為度

旋除下黑者生者再煇須緊
按實著鐵器焦後研為末

牛黃

研半字

右六味一處煉研入砂糖少許和為劑丸桐子大
冷水化一丸

方 治小兒牙宣常有鮮血不止牙齦臭爛者

雌黃

炒一大錢

麝香

炒半錢

右件同研至細先用紙條子以生油塗之然後糝
末在上少用末剪作小片子尖看大小用插在爛
動處一服差

丹砂丸 消除積滯化胃久伏積聚

巴豆

一分去皮以米醋煮一二十沸却入新水內洗七遍淨去膜并心及乳鉢內一向研

如粉量出油

豆蔻

四箇為末

木香

硃砂

研細各一分

右同研令細以麪糊和為丸如菰菜子大每服三五丸小兒一九 酒食所傷鹽湯下溫水亦得

小兒疳氣肚脹腹聚米飲下

抵聖丸 治下虛中積久曾取轉不得者

犀角

鎊末二錢

蝎梢

三七箇

銀末

硃砂

各一兩

巴豆

二十八枚
去皮膜

莞花

二錢同巴豆用好醋二
盞煮令醋盡揀出巴豆

以冷水浸洗控乾再炒
令乾搗末取二分用

右同為細末再研如麪將巴豆別研如糊和勻以

水煮麪糊為丸如小菴豆大如小兒因驚積聚

黏滑毒物在於脾胃累曾取下變成虛積棗湯下

體熱困悶眼合不開黃連甘草薄荷桃仁湯化

膩粉一字許下一歲以上三歲以下二九小可

只一九米飲下大人喫食吐逆心腹脹滿夜有

盜汗日漸羸瘦用薑棗湯下 婦人血氣米醋湯

下五七丸更在臨時約其虛實加減用之張氏家

傳方名紫金丹

香葛散 治小兒上焦虛熱呖水不止

枇杷子

炒過

乾薑

胡黃連

甘草

黑參

麥門冬

各等分

右六件同為細末每服一錢水一盞生薑一片煎至七分後更入蜜少許再煎至五分放溫食後服

犀角散 治小兒骨熱晚後多發熱面赤五心煩悶四

肢無力飲食減少夜多盜汗面色痿黃

犀角

鎔末

柴胡

去蘆

枳殼

麩炒去瓢

麥門冬

去心

茯苓

去皮

芍藥

大黃

桑白皮

人參

以上各一

分

黃耆

鼈甲

一箇九肋醋炙令黃

右十一味同為細末每服半錢用桃仁九箇漿水

煮麥門冬一十九箇去心共桃仁同研令細入水

一盞與藥同煎至六分去滓溫服早食後卧各一

服亦治大人盜汗

靈砂丹 治衆疾及小兒癆風

硃砂

半兩

大附子

炮

青橘

去白

杏仁

去皮尖各一兩

巴豆

以水五升慢火煮三十沸春冬用一百箇秋夏用五十枚

右先將巴豆以水五升煮令油出水盡為度細研

與衆藥末和以粳米飯和為丸如豌豆大 小兒

癆風桃柳枝一握煎下 小兒肚脹石榴湯下

小兒及患人相度虛實加減服 一方用麩薑一

兩炮

金鏃散 治大人小兒衆疾

白附子

炮

木香

肉豆蔻

去皮

肉桂

取心

大

黃生

桔梗

吳茱萸

炒麩

白蕪荑

取仁

芍藥

川芎

淨

知母

白茯苓

當歸

豬牙皂角

去皮生

白僵蠶

二分直者

檳榔

二箇一箇生一箇熟

巴豆

去皮日換湯浸二七日又用麥麩水煮一日細研

黃連

取淨各二兩

右十八味同杵羅為細末入巴豆於乳鉢內同研

令勻然後入磁器中密封候至一七日後每用一字湯使如後卒中風羊髓酒下頭旋菊花酒下血淋大黃湯下腰膝病醋湯下吐血竹茹湯下腸風背陰繁柳草自然汁入熟酒又槲葉燒灰調酒下寸白蟲先喫牛脯後以蕪荑湯下霍亂吐瀉新汲水下肺氣喘杏仁湯下小兒一切疾米飲下小兒齁蜜湯下小兒誤吞錢膩粉湯下小兒天癰風以蟬殼燒灰入小便調下

靈寶丸 治小兒瘡疥及三十六種風疾服之必愈

天麻

鄆州者洗

天南星

白附子

新羅者

獨活

白僵蠶

川烏頭

炮

羌活

洗

乾蝎

全者各一兩

牛黃

龍腦

各一分細研旋入

麝香

半兩細研旋入

右十一味各要上好藥淨洗日內曬乾不用近火
杵為細末煉蜜為丸如豌豆大諸色風疾薄荷溫
酒下五丸女人血風更入少當歸末溫酒下如癰
瘡風下牀不得先用白礬半兩為末葱十莖煎湯


溫浴後用薄荷汁溫酒下三十九衣被蓋出汗別服補藥如是男子婦人疥癬瘰癧並須依前法澡浴服三十九出汗當日必差小兒瘡疥亦須如常浴每一歲一丸並須出汗並差忌熱麪豬肉魚毒物等

治斑瘡方

用臘月兔兒活血以蒸餅相和丸如粟米大每服五丸無根水送下食乳者乳汁送下

解毒必勝散 治瘡疤將出未能勻徧透肌

用牛蒡子不限多少炒令熟杵為細末每服一
錢入荊芥二穗水一盞同煎至七分放溫與服
如瘡疹已出更與服亦妙



博濟方卷四